

رواية عشقها المستحيل

الفصل الاول



سليم المنشاوي : بطل الرواية يبلغ من العمر 30 عاماً ذو رجولة طاعية يتميز بالوسامة والجادبية والجسد الرياضي ذو بشره برونزية وشعر اسود فاحم و عيون رمادية عاصفة ويتميز بقامته الطويل والشخصية المسيطرة التي تجذب له الجنس الآخر وهو رجل اعمال ثري يمتلك مجموعة شركات حول العالم يديرها بقبضة من حديد .

علياء المنشاوي : بطلة الرواية تبلغ من العمر 20 عاماً ذات جسد ممشوق وبشرة بيضاء صافية وشعر كستنائي طويل و عيون خضراء واسعة ذات رموش كثيفة وتتميز بشخصية بريئة مشاغبة .

عثمان المنشاوي : زوج ام البطلة وعمها في ذات الوقت يبلغ من العمر 58 عاماً ذو شخصية جشعة انتهازية .

رابحة العزيري : والدة البطلة تبلغ من العمر 48 عاماً تتميز بالطيبة وحسن التدبير كل ما يشغلها في الحياة هو سعادة ابنتها علياء .

قسمة منصور : والدة البطل تبلغ من العمر 52 عاماً سيدة استقرارية تتميز بطيبة القلب وعشقها لابنائها .

تالين المنشاوي : اخت البطل تبلغ من العمر 25 عاماً ذات جسد ممشوق وشعر اسود طويل و عيون سوداء واسعة تتميز بشخصيتها المدللة والطيبة الشديدة .

جومانة النويري : تبلغ من العمر 28 عاماً تتميز بطولها ونحافتها الشبيهة بعارضات الازياء وشعرها الاشقر القصير و عيونها العسلية ذات شخصية تعشق السلطة والمال .

دولت محفوظ : والدة جومانة والصديقة المقربة لقسمة هانم سيدة استقرارية تبلغ من العمر 50 عاماً

سمير النويري : يبلغ من العمر سبعة وعشرون عاماً متوسط الطول ورياضي يمتلك عيني عسليتين وشعر بني قصير .. يتميز بالطيبة والشخصية المرحه

في منزل عريق بأحدي قرى الريف المصري تدور مشاده كلامية بين الحاجة رابحة و زوجها
الحاج عثمان كبير عائلة المنشاوية
= انا فقلت مفيش جواز ولا فكره علشان علمتها و دخلت الجامعة يبقى خلاص هتفجر و تتجوز
من غير رضايا لأ ده انا اقتلها واشرب من دمها قبل ما تجبلي العار .
صرخ الحاج عثمان بهذه الكلمات وهو في حالة من الغضب الشديد بعد سماعه من زوجته ان ابن
اخيها قد تقدم للزواج من عليا ابنة زوجته
فهو زوج امها و عمها في ذات الوقت فهو يرفض بشدة زواجها حتي انه يرفض خروجها من
المنزل ويضعها تحت حراسة مشدود من رجاله والعاملين في منزله فهي قد أنهت تعليمها
الثانوي وقاربت ع انتهاء تعليمها الجامعي وهي في المنزل بعد ان اشترط عدم ذهابها للمدرسة او
الجامعة و اكتفي بارسالها للأمتحانات فقط .
لترد الحاجة رابحة بهدوء وهي تحاول ان تسترضيه
= كل البنات اللي في سنها اتجوزوا و جابوا عيال كمان والعريس اللي متقدم لها ابن حلال وشغلته
كويسه و عارفين تربيته و من أهلنا يعني هيحافظ عليها .
ليصرخ عثمان باستهزاء وقد اشتعل غضبه اكثر
= شغلته كويسة !! حته مدرس ثانوي لا راح ولا جه عايز يتجوز بنت المنشاوية طبعاً طمعان في
مالها و أرضها فكره انه لما هيتجوزها هيكوش علي ورثها لكن ده بعده ده انا اقتلها وادفنها
مطرحها ولا ارضنا تروح للغريب .
لتشعر رابحة بالذعر وهي تسمعه يهدد بموت ابنتها لتهب مدافعة عن ابنتها من جبروت زوجها
= اسمع يا عثمان انا سكت كثير علي ظلمك لكن بعد كده مش سكتة وهشتك لي يقف قصادك
ويقدروا يجيبوا حقها منك .
ليختنق صوتها بالبكاء وتتساقط دموع لتكمل قائلة

= كفاية سكت كثير علي ظلمك ليها حرام عليك ده معشتش زي اي بنت في سنها لا لبست ولا خرجت ولا شافت الناس وكل حياتها بين جدران البيت ده مشفتش غيره انا كل ما اقول يا بت ده عمها و هو اللي مرببها وفي مقام ابوها ترجع تزيد انت في جبروتك وظلمك ليها حتي الجواز عاوز تحرمها منه علشان خايف علي الفلوس والارض هو ده بس اللي يهملك بس لا انا مش سكتالك تاني و هبلغ خالها يجي يشوف له حل معاك .

لنترك الغرفة مهرولة للخارج وهي تقول

=اعمل حسابك خالها جاي بليل مش كل ما يجيلها عريس ترفضه انا ابن اخويا ميتعيبش .

ليصرخ عثمان و هو يجذبها من يديها بعنف

= انتي فاكرني هخاف من اخوكي.

.. ده ولا يهز شعره من راسي و عموماً خليه يجي ويشرف انا عارف هعمل معاه ايه وانتي

حسابك بعدين .

لتنفض رابحد يديها منه وتتوجه للخارج وهي تشعر بضعف ساقيها الشديد فهي رغم وقوفها

بوجه عثمان الا انها تخاف منه بشده ولكنها لم تستطع احتمال ظلمه اكثر من ذلك .

في ذات الوقت كان عثمان يتحرك في الغرفة بغضب وهو يحاول ان يجد مخرج لهذه الازمة

ليهتف بعنف

= علي جتتي لو أرضنا ومالنا خرج برا عيلة المنشاوية لو كنت خالفت مكنتش خليت الأرض

والمال يخرجوا من بين ايديا لكن طالما اضطرريت يبقي علي الأقل الأرض متخرجش برا العيلة .

ليقوم بأخراج هاتفه بعصبيه ويتصل برفق ابن شقيقه رجل الأعمال المقيم بالقاهرة ليأتيه صوته

عبر الهاتف مرحباً

= أزيك يا عمي ايه المكالمه الغالية دي مسمعتش صوتك من زمان .

ليرد عثمان بصروت متجهم

= أسمع يا سليم يا بني انا عاوزك تجيلي البلد بسرعه يعني بكتيره تكون عندي هنا الصبح .

ليرد سليم بلهجة قلقة ...

= خير يا عمي في حاجة؟؟ انت كده قلقتني .

عثمان في لهجة متعجلة و هو يسمع ضوضاء تشير لوجود ضيوف بالخارج

= معلش يا سليم انا عارف مشغلك كتيره فد ايه بس اللي انا عاوزك فيه مينفعش يتأجل .

ليرد سليم و قد شعر بالقلق

= ماشي يا عمي ان شاء الله هكون عندك بكره من بدري .

عثمان ولقد شعر ببعض الراحة

= و ده عشمي فيك برضو يا بني اشوفك بكره ان شاء الله .

لينهي المكالمه و هو يشعر بالراحة وباستعداده لمقابلة خال عليا

دخلت زوجته رابحة الغرفة وهي ترتعش وتحاول الا تظهر ذلك لتقول بصوت مهزوز

= اخويا برا عاوز يقابلك

لينظر لها عثمان بقسوة وهي يقول

= عملتي اللي في دماغك برضو

وجبتهم فاكرهم هيجبروني اني اجوزها لأبنهم متخلفش لسه اللي يجبر عثمان المناشوي علي حاجة.

ليزيحها من طريقه ويتجه صوب الغرفة المتواجد بها اخو زوجته ليندخل اليها وينظر صوب

المتواجدين بالغرفة باستعلاء ليجد بها شيخ الجامع الحاج عرفة و عمده القرية الحاج أمين و اخ

زوجته الحاج صفوان وجابر أبن الحاج صفوان العريس المتقدم للزواج من عليا ليقول عثمان

بصوت قوي

= أهلاً وسهلاً ايه الزيارة الغربية دي ؟

ليرد الحاج صفوان بقوة

= انت عارف احنا جايين ليه فيبلاش لف و دوران

ليهب عثمان بعصبيه ليقول بصوت عالي

= انا هخاف منك علشان الف و الدور ! اوزن كلامك و شوف انت بتتكلم مع مين .

ليرد جابر بعصبيه

= اتكلم مع ابويا باسلوب كويس يا راجل انت .

لتكاد ان تتحول المحادثة لمشاجره الا ان الجميع صمت عندما تدخل الحاج عرفة شيخ الجامع

= حصل خير يا جماعة احنا جايين في خير بلاش تدخلوا الشيطان ما بينكوا .

ليدخل ايضاً الحاج أمين عمده القرية

= جري اية يا جماعة هنتخانقوا و احنا موجودين؟! والله عيب استهدي بالله يا حاج عثمان وانت يا

حاج صفوان ميصحش كده ده انتوا ما بينكوا نسب .

ليتجه بنظره لعثمان قائلاً

= يا حاج عثمان جايين في خير طلبين القرب منك في بنتك عليا لأين خالها جابر ايه رأيك ؟

ليرد عثمان بكلمة واحدة

= لأ .

ليهتف الحاج صفوان

= شوفت يا عمده اهوزي ما انت شايف كده حابس البننت ومش راضي يجوزها ده حتي كده

حرام وميرضيش ربنا .

ليرد عثمان بصوت غاضب

= البننت بنتي احبسها اموتها مالكش فيه .

ليقوم جابر من مكانه صارحاً

= لأ مش بنتك انت عمها والمفروض تحافظ عليها مش تتجبر عليها ولا فاكرا ان الحكاية سايبه لأ

... .

ده لها أهل و عزوه .

ليغضب عثمان اكثر

= أسمع يا ابن صفوان انا مبتهددش ان كان علي أهلها فهي منشاوية ابأ عن جد و محدش له عندي حاجة

ليقوم الحاج عرفة شيخ الجامع بتهدئة الأمور

= يا جماعة استهدوا بالله يا حاج عثمان انت مش موافق علي جابر ليه ؟ ده زي ابنك وانت اللي مربيه

ليرد عثمان بأبتسامه خبيثة و هو ينظر لوجوه الموجودين بالغرفة

= لأنها مخطوبة لأبن عمها سليم بيه و هو جاي بكره و هنكتب الكتاب .

لتظهر الصدمة علي وجوهم

ليقول جابر بعصبيه

= الكلام ده كان امتي ؟ محدش فينا ولا في البلد يعرف بحاجة زي دي ولا الخطوبة كانت في السر ؟!

ليقاطععه صوت والده و هو يهتف به بشده

= جابر خلاص كده خلصت ، اسمع يا حاج عثمان احنا كنا جاين نخطب عليا لجابر مش علشان

فلوسها زي ما انت فاكر احنا كنا بنصون لحمننا لكن مادام هي مخطوبة لأبن عمها فهو أولي بها

يلا بينا يا جماعة

ليرد عمده القرية

= عين العقل يا حاج صفوان و ألف مبروك يا حاج عثمان ومتأخذناش احنا كنا منعرفش

لينصرفوا جميعاً وأبتسامه خبيثة ترتسم علي وجه عثمان.